

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De sancto Basilio Caesariensi Episcopo, & quae contra ipsum à Valente &  
Modesto praefecto intentata sunt. Cap. XVII.

**urn:nbn:de:hbz:466:1-12704**

De sancto Basilio Cæsariensi Episcopo, & quæ  
contra ipsum à Valente & Modesto præ-  
fecto intentata sunt.

## C A P. XVII.

**V**Alens autem, tota propè dixerim, Christi ecclesia pa-  
storibus nudata, Cæsaream, quam Cappadoces acco-  
lunt, proficiseitur. Quo quidem tempore Basilius,  
præclarum orbis terrarum luminare, illius ecclesiæ antistes  
fuit. Ad quem Valens mittit præfectum, iubetque uti vel  
ei persuadeat communionem Eudoxij amplexari, vel si mi-  
nus illud posset efficere, ecclesia illum eiicere. Nam cele-  
bris viri illius fama, quæ ad eius aures permanarat, impe-  
dimento fuit, quo minus illum primum adoriretur, ne ge-  
neroso animo impetum excipiens, eumque repellens, ex-  
emplum aliis præberet fortitudinis. Atamen quod moli-  
ebatur, simile visum est aranearum telæ. Nam alii episco-  
pi cum veteribus de religione acquieuere decisionibus,  
tum velut quædam turres fidei murum firmum tenuere.

Cum autem præfensus Cæsaream venisset, Basilium Mag-  
num aceratum honorificè excipit, leni & blanda oratione  
compellat: hortatur ut cedat temporis, & ne propter nimis  
curiosam dogmatum obseruationem, eamq; paruò æstimá-  
dam, tot tantasque ecclesiæ prodat. Pollicetur se imperato-  
ris amicitiam ei conciliaturum, beneficiaq; multis aliis in-  
de euentura prædicat. Cui diuinus ille vir, pueris, inquit,  
hæc quidè oratio cōuenit: si quidè illi ac sui similes eiusmo  
di verba audie arripiūt: at qui sunt in sacris literis educati,  
ne vñā quidè syllabā diuinorū dogmatū prodi sinunt, sed  
pro istorū defensione si opus sit nullū nō mortis genus li-  
benter amplectuntur. Quod autem ad imperatoris amici-  
am attinet, eam cum pietate iunctam magni æstimo: sed si  
ea careat, perniciosa esse dico. Ac cum præfensus graui-  
ter commotus esset, diceretque eum amentem esse, tum  
Diuis Basilius, me inquit, hanc semper amentiam opto  
habere. Postea verò quām egredi iussus erat, & quid  
sibi agendū sit secum deliberare, posteroque die suam de-  
clarare sententiam, & huic orationi etiam minæ adiun-  
ctæ, fertur vir ille omni laude cumulandus respondisse:

MM 4 Ego

## THEODOR. HISTOR.

Ego quidem certe idem, qui iam sum, cras ad te redibo : tu  
verò ne mutes sententiam, sed minis utaris velim. Isto cum  
illo habito sermone, præfектus factus obuiā imperatori, nū-  
tiait ei quæ dixerat Basilius, docet eius virtutem, & quām  
yirili & excelsō animo sit, exponit. Quo quidam tempore  
imperator tacitus in palatium ingreditur. Vbi autem vidit  
in familiam suam plagas cœlitus demissas (nā & filius gra-  
ui morbo afflīctatus, iam iam erat è vita migratus, & con-  
iunx variis calamitatibus oppugnata fuit) istarumque misé-  
riarum causam agnouit, diuinum hominem, quem minatus  
fuerat se suppicio affecturum, orat, vt domum ad se veniat.  
Duces autem imperatoris mandata conficiunt. Magnus igi-  
tur Basilius tum profectus ad regiam, & filium imperatoris  
morti vicinum conspicatus, pollicetur eum ad vitam reuer-  
surum, modò sacrosancto baptismate à piis hominibus do-  
naretur. Quæcum dixisset, exiuit. Imperator verò iureiurā-  
do, more dementis Heredis obstrictus, quibusdam sectæ  
Arianæ, qui aderant, pueri baptizandi negocium dat. Puer  
exemplò obiit mortem. Itaque Valentem pœnitiebat, qui  
mente complexus, quantum ex iureiurando suo verè obser-  
uato accepisset incommodi, rectâ ad templum sanctum se  
confert: fitque doctrinæ Basili magni auditor, & consueta  
dona altari offert: Basilius autem eum intra sacra Aulea, vbi  
ipse sedebat, venire iubet: ad quem longam orationem de  
dogmatis diuinis instituit, eique dicenti Valens auscultauit.  
Aderat etiam quidam nomine Demosthenes, culinq; im-  
peratoria præfектus, qui more planè barbaro orbis terræ  
magistrum Basiliū reprehendit. At diuus Basilius subri-  
dens, Demostenem, inquit, illiteratum vidimus. Vbi verò  
ille maiore exardescens iracundia, minari cœpit, tuum est,  
inquit Basilius ille magnus, iuscitorum curare condimen-  
ta. Nam cum aures habeas oppletas sordibus, sacrosancta  
dogmata audire non potes. Atque ita ei à Basilio respon-  
sum est. Imperator autem sic Basiliū admirari cœpit, vt  
agros, quos ibi habuit pulcherrimos, pauperibus, quorum  
curā susceperat, quiq; corpore toto labefactati, maxima ege-  
bant curatione, donaret. Itaque ad hunc modum Magnus  
Basilius primum Valentis impétum deuitauit. Secundò au-  
tem cum eo accederet, terū ante gestarum oblitus (quippe  
eius

cius mens à quibusdā veteratoribus expugnata fuit) hortatur Basiliū, vt ad partem aduersariam se transferat: Deinde cum ei persuadere non posset, iubet edictum de illo in exilium mittendo conscribi. Quod cum sua manu ratum facere conaretur, ne apicem quidem vnum alicuius literæ facere potuit: Siquidem ruptus est calamus. neque id semel, sed iterum, ac tertio accidit. Ac cum impium illud edictum cōfirmare impensis laboraret, concussa est dextera, tremorq; eam occupauit. Atque cum animo esset præ metu prope at tonito, chartam manibus dilacerauit. Vnde rerum omniū moderator deus satis perspicuè ostendit, tum quòd aliis eius permisſu eadem ipsa obtigerunt, tum quòd Basilius ope illius insidiis eruptus fuit. Atque vt in isto Basilij nego cōtientiam suam monstrauit, sic in illo altero suæ prouidentiæ genere fortitudinem præstantissimorum hominum curauit palam prædicandā. Valentē igitur in hunc impetu facientem spes frustrata est.

*De sancti Athanasii morte & Petri successione.* CAP. XVIII.

**A**lexandriæ porro cum victor Athanasius post multa confecta certamina, post totidem etiam reportatas coronas ex huius vitæ laboribus eruptus esset, & ad vitam vacuam à molestiis trāslatus, Petrus, vir facile optimus præfulatum illum obtinuit, quem primū B. Athanasius suo suffragio designarat, ciusq; electioni ab omnibus tam sacerdotibus, quam magistratibus assensum est. Populus quoque vniuersus acclamationibus quantum lætitiae percepisset, monstrauit. Nam laborum ab Athanasio susceptorum socius & particeps fuit, & cū eo tum ibi vitam degente, tum peregrinante semper versatus est, & varios labores cum illo vna exantlauit. Quapropter episcopi vicini eo simul ire maturant: & qui vitam seuera disciplina exigebant, ii ea reliqua, ad Petrum in sede Athanasii collocādum se cōferunt.

*De exturbatione Petri, & Lucij Ariani inductione.* CAP. XIX.

MM. 5

Postea